



Bosna i Hercegovina
Federacija Bosne i Hercegovine
Kanton Sarajevo



adresa: Vrbovska bb, tel/fax + 387 33 65 88 81, + 387 33 65 88 81,
e-mail: juosaneks@gmail.com

Djelovodni broj:
Datum: 08.2025. godine

Na osnovu člana 115. Zakona o odgoju i obrazovanju i u osnovnoj i srednjoj školi u Kantonu Sarajevo ("Službene novine Kantona Sarajevo", br. 27/24) i člana 87. stav 1. Pravilnika o realizaciji škole u prirodi, izleta, studijskih posjeta, ekskurzija, kampiranja/logorovanja, društveno - korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo, br. 34/24) Nastavničko vijeće JU OŠ "Aneks" Sarajevo, na sjednici održanoj dana __.8.2025. godine, utvrđuje i usvaja

ETIČKI KODEKS „ŠKOLE U PRIRODI“ ZA UČENIKE IV RAZREDA U ŠKOLSKOJ 2025/2026. GODINI

**ETIČKI KODEKS „ŠKOLE U PRIRODI“
ZA UČENIKE IV RAZREDA U ŠKOLSKOJ 2025/2026. GODINI**

I UVOD

1. Etički kodeks predstavlja skup načela, prava i obaveza kojima se određuju međuljudski odnosi svih učesnika „Škole u prirodi“. Etički kodeks predstavlja skup zajedničkih vrijednosti društveno prihvatljivih oblika ponašanja koje neposredni faktori odgojno-obrazovnog rada uvažavaju u svom djelovanju.
2. Cilj Etičkog kodeksa je poticanje razumijevanja i prihvaćanje temeljnih načela moralno opravdanog ponašanja i njihovu primjenu.

II PRAVILA I OBAVEZE PONAŠANJA UČESNIKA „ŠKOLE U PRIRODI“

1. Učenici:

- a) Svi učenici škole su obavezni pohađati „Školu u prirodi“. Ako učenik zbog zdravstvenog stanja ne može sudjelovati u pohađanju „Škole u prirodi“ ili bi to sudjelovanje štetilo njegovom zdravlju, može biti oslobođen od navedene aktivnosti uz prezentiranje nalaza specijaliste koji izdaje zdravstvena ustanova, a roditelj/staratelj/usvojitelj dostavlja razredniku. Ako učenik iz opravdanih razloga nije učestvovao u pohađanju „Škole u prirodi“, roditelj je dužan obavijestiti školu o razlozima izostanka i isti pravdati u skladu s Pravilima škole;
- b) Učenici su dužni da se ponašaju odgovorno, da budu tačni i ispunjavaju sve zadate obaveze;
- c) Učenici treba da se pristojno oblače, te da vode računa o urednosti i ličnoj higijeni;
- d) Učenici su dužni i obavezni da prate i učestvuju u svim aktivnostima tokom realizacije „Škole u prirodi“, a planirane ponudom turističke agencije ili isplanirane Izvedbenim planom i programom;
- e) Tokom realizacije „Škole u prirodi“ učenici su dužni i obavezni da se ponašaju pristojno i na društveno prihvatljiv način (i za vrijeme putovanja i tokom realizacije svih aktivnosti);
- f) Zabranjen je bilo koji oblik socijalno neprihvatljivog ponašanja, diskriminacije, neprijateljstva i svih oblika nasilja sa posebnim osvrtnom na vršnjačko nasilje;
- g) Učenici su obavezni da poštuju druge učenike, nastavnike, vođu puta, vozača, zaposlenike Turističke agencije, hotelsko i ugostiteljsko osoblje i druga lica sa kojim stupaju u komunikaciju;

- h) Učenici treba da pažljivo postupaju i da paze da ne oštete ličnu i imovinu drugih učesnika ili inventar i imovinu hotela i drugih ugostiteljskih objekata, autobusa i slično;
- i) Učenici su dužni i obavezni da vode računa o ličnim stvarima (prtljag, novac, mobilni telefon, fotoaparati, nakit i druge vrijedne stvari);
- j) Za vrijeme boravka u hotelu učenici treba da se pridržavaju Kućnog reda:
- poštuju vrijeme spavanja;
- poštuju vrijeme dnevnih obroka;
- da obezbijede mir i tišinu, da ne uznemiravaju osoblje i druge goste hotela;
- ne puštaju muziku ili glasno komuniciraju;
- k) Po povratku iz „Škole u prirodi“ učenici su obavezni da ponesu sve svoje lične stvari, da ne ostavljaju nered u prostorijama u kojima su boravili;
- l) Zabranjeno je konzumiranje duhana, alkohola i opojnih sredstava;
- m) Zabranjeno je udaljavanje i osamostaljivanje učenika bez odobrenja nastavnika ili vođe puta;
- n) Zabranjeni su odlasci na neprikladna mjesta;
- o) Zabranjena je komunikacija sa nepoznatim osobama, uzimanje bilo kakvih sredstava i predmeta od istih ili ulazak u njihov lični automobil;
- p) Nije dozvoljen bilo koji vid uznemiravanja ostalih učesnika, a koji pridonosi stvaranju neugodnih i neprijateljskih odnosa, zastrašivanja, vrijeđanja i ponižavanja;
- q) Po povratku sa aktivnosti koje se realizuju u prirodi učenici će sav otpad ponijeti sa sobom ili će zajedničkim aktivnostima pod nadzorom nastavnika ili vođe puta, sakupiti sav otpad i odložiti ga na mjesto predviđeno za odlaganje otpada;
- r) Kod realizacije aktivnosti u prirodi učenici su dužni da se odgovorno odnose prema prirodnim ljepotama, da ne uništavaju biljke i ugrožavaju život životinja, ne pale vatru, ne bacaju smeće, ne uništavaju klupe i mjesta za odmor, ne konzumiraju nepoznate biljke, plodove i gljive;
- s) Učenici imaju pravo i obavezu da učestvuju u evaluaciji rada uposlenika i evaluaciji uspješnosti „Škole u prirodi“;
- t) Učenici imaju pravo da budu upoznati sa Etičkim kodeksom na časovima odjeljenjske zajednice.

2. Nastavnici, vođa puta i ostali uposlenici škole:

- a) Nastavnici, vođa puta i ostali uposlenici škole su dužni da vode brigu o učenicima, njihovoj bezbjednosti i zdravstvenom stanju;

- b) Nastavnici, vođa puta i ostali uposlenici škole su dužni da zaštite učenike i ne dozvole nepoželjni uticaj drugih osoba (navođenje na konzumiranje duhana, alkohola, opojnih sredstava ili drugi oblik neprihvatljivog ponašanja);
- c) Nastavnici, vođa puta i ostali uposlenici škole su dužni da spriječe bilo koji oblik neprihvatljivog ponašanja učenika;
- d) Odnos nastavnika, vođe puta i ostalih uposlenika škole prema učenicima i drugim učesnicima mora biti profesionalan, nepristrasan i pristojan;
- e) Nastavnici, vođa puta i ostali uposlenici škole se trebaju ponašati u skladu sa načelom jednakosti i pravednosti prema svim učenicima, kao i specifičnim odgojno-obrazovnim načelima;
- f) Od nastavnika, vođe puta i ostalih uposlenika škole se očekuje odgovorno, savjesno i etički besprijekorno ispunjavanje svih obaveza prema učenicima i ostalim učesnicima „Škole u prirodi“;
- g) Nastavnici, vođa puta i ostali uposlenici škole su dužni i obavezni da osiguraju tajnost podataka o zdravstvenom stanju i drugim specijalnim potrebama učenika, poštujući njihovu privatnost;
- h) Zabranjeno je konzumiranje alkohola i opojnih sredstava nastavnicima, vođi puta i drugim uposlenicima škole;
- i) Nastavnici, vođa puta i ostali uposlenici su dužni da se ponašaju odgovorno i dakomuniciraju na očekivan način.

3. Roditelji/staratelji učenika:

- a) Roditelj/staratelj ima pravo da bude informisan da je „Škola u prirodi“ specifičan oblik odgojno-obrazovnog rada van učionice i da je obavezan za sve učenike;
- b) Roditelj /staratelj ima pravo da na roditeljskom sastanku bude obaviješten o izboru najpovoljnije ponude, sadržaju aktivnosti, mjestu realizacije, kompletnom aranžmanu „Škole u prirodi“;
- c) Roditelji/staratelji su dužni da poštuju ličnost učenika, nastavnika, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu;
- d) Odnos roditelja/staratelja prema nastavnicima, vođi puta i ostalim uposlenicima škole treba da bude tolerantan, pristojan i uvažavajući, a s ciljem ostvarivanja dobrobiti za dijete;
- e) Roditelji/staratelji su dužni da blagovremeno upoznaju razrednika ili druge nosioce „Škole u prirodi“ o zdravstvenom stanju, sklonostima učenika ili nekoj drugoj posebnoj potrebi učenika, te eventualno o terapiji koju učenik koristi;

- f) Roditelj/staratelj je dužan da razredniku dostavi ljekarski nalaz specijaliste, koji izdaje zdravstvena ustanova, ukoliko učenik iz zdravstvenih razloga ne može učestvovati u realizaciji „Škole u prirodi“;
- g) Roditelji su obavezni da nadoknade troškove, ukoliko učenik prouzrokuje štetu tokom realizacije „Škole u prirodi“;
- h) Roditelji/staratelji imaju pravo da budu upoznati sa Etičkim kodeksom na roditeljskim sastancima.

4. Zaposlenici Turističke agencije

- a) Zaposlenici Turističke agencije su dužni da poštuju ličnost učenika, nastavnika, vođe puta i drugih uposlenika škole, da ih ne vrijeđaju, uznemiravaju ili diskriminiraju po bilo kojem osnovu;
- b) Zaposlenici Turističke agencije (predavači, turistički vodiči i druga lica) su obavezni da sve aktivnosti planirane ponudom i turističkim aranžmanom budu prilagođene psihofizičkim sposobnostima učenika i osnovnim ciljevima i zadacima organizacije ovog odgojno-obrazovnog oblika rada;
- c) Odnos zaposlenika Agencije prema učenicima, nastavnicima, vodi puta i drugim uposlenicima škole mora biti profesionalan, pristojan, uvažavajući;
- d) Agencija je obavezna da preduzme sve aktivnosti u cilju ostvarivanja zdravstvene i druge zaštite učenika, te obezbijedi sigurno i bezbjedno realizovanje „Škole u prirodi“;
- e) Agencija je obavezna osigurati tajnost podataka o zdravstvenim i drugim specifičnim potrebama učenika;
- f) Agencije su dužne da osiguraju zabranu točenja alkohola i drugih nedozvoljenih sredstava učesnicima „Škole u prirodi“, kao i posjete učesnika sobama drugih lica koja se ne nalaze na spisku.

III PRAVILA MEĐUSOBNE KOMUNIKACIJE

- a) Svi učesnici „Škole u prirodi“ su dužni i obavezni da se ophode uljudno i da poštuju jedni druge;
- b) Zabranjena je svaka vrsta uvreda, psovki, omalovažavanja, vrijeđanja među učesnicima „Škole u prirodi“ ili upotreba fizičkog nasilja;
- c) Zabranjena je bilo koja vrsta diskriminacije i neprijateljstava među učesnicima „Škole u prirodi“.

IV ZABRANA OSAMLJIVANJA

- a) Zabranjuje se osamljivanje učenika od grupe učenika i nastavnika, a bez dozvole i odobrenja nastavnika, vođe puta i drugih uposlenika škole;
- b) Zabranjuje se osamljivanje vozača, vodiča, nastavnika, vođe puta, drugih učesnika u realizaciji aktivnosti sa manje od tri učenika;
- c) Zabranjeno je učenicima da posjećuju neprikladna i osamljena mjesta.

V ZABRANA DISKRIMINACIJE I UZNEMIRAVANJA

- a) Zabranjena je svaka vrsta diskriminacije učenika i drugih učesnika „Škole u prirodi“ u skladu sa zakonom;
- b) Učesnici „Škole u prirodi“ ne smiju biti podložni predrasudama koje mogu dovesti do neobjektivnosti i diskriminacije;
- c) Zabranjen je svaki oblik uznemiravanja drugih učesnika. Pod uznemiravanjem se podrazumijeva svaki verbalni, neverbalni ili fizički čin koji drugu osobu zastrašuje, vrijeđa, ponižava;
- d) Zabranjen je bilo koji oblik seksualnog uznemiravanja, a podrazumijeva se neželjeno upućivanje verbalnih ili fizičkih prijedloga seksualne prirode drugoj osobi, iznošenje seksualno obojenih šala i opaski ili bilo koji drugi oblik ponašanja koji je seksualno obojen.

VI TAJNOST PODATAKA

Obaveza škole i Agencije je da osiguraju tajnost podataka o zdravstvenom stanju i drugim specifičnim potrebama učenika.

VII ZAVRŠNE ODREDBE

- a) Škola ima obavezu upoznati sve učesnike „Škole u prirodi“ sa Etičkim kodeksom;
- b) Kršenje odredbi Etičkog kodeksa „Škole u prirodi“ predstavlja osnov za pokretanje disciplinskog postupka za prekršiocyte (učenike i nastavno osoblje), odnosno jedan je od razloga neispunjavanja minimalnih kvalifikacijskih zahtjeva za Agencije – ponuđače.

Etički kodeks „Škole u prirodi“ usvojen na sjednici Nastavničkog vijeća, održanoj __.08.2025. godine.

Predsjedavajući Nastavničkog vijeća

